

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 399166 21 St
Tuzla, 25.05.2026. godine

Općinski sud u Tuzli, sudija Antonela Đaković, kao stečajni sudija, u stečajnom postupku nad imovinom stečajnog dužnika „Delix“ d.o.o. za poslovanje i promet Doboj Istok u stečaju, Mala Brijesnica bb, koji u svom sastavu ima podružnicu pod nazivom: „Delix“ d.o.o. za poslovanje i promet, Podružnica „BAUSCHOP“ Doboj Istok-u stečaju, dana 25.05.2026. godine donio je sljedeće:

RJEŠENJE

ZAKLJUČUJE SE stečajni postupak nad imovinom stečajnog dužnika „Delix“ d.o.o. za poslovanje i promet Doboj Istok u stečaju, Mala Brijesnica bb, koji u svom sastavu ima podružnicu pod nazivom: „Delix“ d.o.o. za poslovanje i promet, Podružnica „BAUSCHOP“ Doboj Istok-u stečaju, zbog nedovoljnosti stečajne mase, MBS: I-9308.

Rješenje o zaključenju stečajnog postupka objavit će se u „Službenim novinama FBiH“, oglasnoj ploči ovog suda i web stranici Općinskog suda u Tuzli.

Po pravosnažnosti ovog rješenja isto će se dostaviti Odjeljenju registra privrednih subjekata Općinskog suda u Tuzli, radi brisanja stečajnog dužnika iz sudskog registra.

Obavještavaju se stečajni dužnik i stečajni upravnik da pravne posljedice zaključenja stečajnog postupka nastupaju 8 dana od dana objavljivanja ovog rješenja u „Službenim novinama FBiH“.

Obrazloženje

Rješenjem ovog suda, broj gornji, od 27.09.2021. godine otvoren je stečajni postupak nad imovinom dužnika „Delix“ d.o.o. za poslovanje i promet Doboj Istok u stečaju, Mala Brijesnica bb, koji u svom sastavu ima podružnicu pod nazivom: „Delix“ d.o.o. za poslovanje i promet, Podružnica „BAUSCHOP“ Doboj Istok-u stečaju, a za stečajnog upravnika imenovana je Alisa Bijedić iz Tuzle.

U toku stečajnog postupka održana su dva ispitna ročišta na kome su ispitane prijave potraživanja kao i naknadne prijave, a ukupno prijavljena potraživanja iznose 3.371.786,04 KM od kog iznosa je osporeno 0,00 KM, a priznato kao razlučno pravo 2.110.348,85 KM. Ukupno priznata potraživanja u stečajnu masu iznose 1.261.437,19 KM. Od ukupno priznatih potraživanja stečajne mase, u viši isplatni red je priznato 18.000,00 KM, opći isplatni red 1.133.140,52 KM i niži isplatni red 13.585,94 KM.

Nakon unovčenja pokretne i nepokretne imovine stečajnog dužnika, ukupno namirenje povjerilaca koji imaju razlučno pravo iznosi 581.595,03 KM i to Intesa sanpaolo banka 472.104,90 KM (24,84%), BBI banka 10.575,00 KM (18,28%), MF banka 25.006,50 KM (42,42%) i Scania Credit AB Švedska 73.908,63 KM (79,34%).

U pogledu ukupno priznatog razlučnog prava svim povjeriocima u ovom stečajnom postupku procenat namirenja razlučnih povjerilaca iznosi 27,56 %, dok za povjerioce višeg, općeg i nižeg isplatnog reda nije bilo dovoljno stečajne mase iz koje bi bili namireni.

Iz izvještaja stečajnog upravnika-prijave nedovoljnosti stečajne mase od 14.04.2026. godine slijedi da ukupna stečajna masa nije dovoljna za namirenje povjerilaca stečajnog dužnika u cjelosti.

Na osnovu odredbe člana 197. Zakona o stečaju FBiH, stečajni upravnik je, imajući u vidu da nema stečajne mase iz koje bi se namirila bar djelimično prijavljena i priznata potraživanja, dana 14.04.2026.godine prijavio nedovoljnost stečajne mase.

Sud je Rješenjem od 16.04.2026.godine, a koje je objavljeno u "Službenim novinama FBiH" broj: 32/26 od 29.06.2026.godine, javno objavio prijavu nedovoljnosti stečajne mase, a na osnovu odredbe člana 197. stav 3. Zakona o stečaju FBiH (Službene novine broj: 53/2021), te pozvao povjerioce da se izjasne o prijavi nedovoljnosti stečajne mase.

Odredbom člana 200. stav 1. Zakona o stečaju propisano je da stečajni sudija zaključuje stečajni postupak čim je stečajni upravnik izvršio diobu stečajne mase, u skladu sa članom 198. ovog zakona, a stavom 2. istog člana je propisano da je stečajni upravnik dužan za svoj rad, nakon prijavljivanja nedovoljnosti stečajne mase, posebno da položi račun stečajnom sudiji. Pored navedenog odredbom člana 200. stav 3. istog Zakona propisano je da ako se nakon zaključenja stečajnog postupka pronađu predmeti koji pripadaju stečajnoj masi, stečajni sudija će na prijedlog stečajnog upravnika, povjerioca stečajne mase ili po službenoj dužnosti odrediti naknadnu diobu. U ovom slučaju se na odgovarajući način primjenjuju odredbe člana 192. stav 3, i člana 193. i 194. ovog Zakona.

Obzirom da stečajni dužnik nema imovine čijim bi se unovčavanjem namirila potraživanja povjerilaca, osim za pokriće troškova stečajnog postupka, to je sud shodno odredbi člana 200. Zakona o stečaju zaključio stečajni postupak i odlučio kao u izreci rješenja.

Prema odredbi člana 204. stav 1. Zakona o stečaju (Službene novine FBiH broj: 53/2021) rješenje o zaključenju stečajnog postupka objavljuje se u „Službenim novinama FBiH“, web stranici Općinskog suda u Tuzli i oglasnoj tabli suda.

Pravne posljedice zaključenja stečajnog postupka nastupaju 8 dana nakon objavljivanja rješenja u „Službenim novinama FBiH“, a sve shodno članu 204. stav 3. Zakona o stečaju FBiH.

Odluka o brisanju pravnog lica iz javnih registara zasnovana je na odredbi člana 204. stav 5. Zakona o stečaju FBiH.

**Stečajni sudija,
Antonela Đaković**

POUKA: Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 (osam) dana, od dana objave rješenja u „Službenim novinama FBiH“.